



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080129427836823

№ 1802

16 / ივნისი / 2023 წ.

ა(ა)იპ „თბილისის ზოოლოგიური პარკისთვის“ სახელმწიფო შესყიდვის
გამარტივებული შესყიდვით განხორციელების შესახებ თანხმობის გაცემის
თაობაზე

აღწერილობითი ნაწილი

1. ინფორმაცია მომართვის თაობაზე

სახელმწიფო შესყიდვების სააგენტოში 2023 წლის 14 ივნისს სახელმწიფო შესყიდვის ერთიანი ელექტრონული სისტემის SMP მოდულის მეშვეობით წარმოდგენილ იქნა ა(ა)იპ „თბილისის ზოოლოგიური პარკის“ SMP230001605 მომართვა ექსკლუზიური უფლებამოსილების საფუძველით გამარტივებული შესყიდვის განხორციელებაზე თანხმობის გაცემის შესახებ.

2. შესყიდვის ობიექტი და მისი ღირებულება

მომართვის მიხედვით, შესყიდვის ობიექტია, HumaCount 5 D ანალიზატორის რეაქტივები (CPV-33600000 - ფარმაცევტული პროდუქტები) ღირებულებით, 152 ლარი.

3. შემსყიდველი ორგანიზაციის დასაბუთება

შემსყიდველი ორგანიზაციის განმარტებით, სისხლის საერთო ანალიზატორის აპარატი არის დახურული სისტემა შესაბამისად, მიდის მხოლოდ მწარმოებლის მიერ წარმოებული რეაქტივები. აღსანიშნავია, რომ რეაქტივების მარაგი ამოწურულია. აღნიშნულზე კი, ექსკლუზიური უფლებამოსილება, 2027 წლის 31 დეკემბრამდე, გააჩნია შპს „ჰუმან დიაგნოსტიკ ჯორჯიას“, რაც დასტურდება მომართვაში წარმოდგენილი 2022 წლის 19 დეკემბრის წერილით. შესაბამისად, წარმოადგენს ექსკლუზიურ მიმწოდებელს.

4. დაინტერესებული პირ(ებ)ის მოსაზრება

საკითხთან დაკავშირებით დაინტერესებულ პირებს სისტემის SMP მოდულში მოსაზრება არ გამოუხატავთ.

სამოტივაციო ნაწილი

5. შემაჯამებელი დასკვნა

სააგენტომ იმსჯელა შემსყიდველი ორგანიზაციის მომართვაზე, შეაფასა მასში მითითებული ინფორმაცია და დაადგინა, რომ იგი აკმაყოფილებს სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მოთხოვნებს.

6. სააგენტოს შეფასება

სააგენტო განმარტავს, რომ მოცემულ შემთხვევაში სახეზეა ექსკლუზიური უფლებამოსილების საფუძველით გამარტივებული შესყიდვის განხორციელების შესაძლებლობა, რამდენადაც, როგორც წარმოდგენილი დოკუმენტაციიდან ირკვევა, სისხლის საერთო ანალიზატორის აპარატი არის დახურული სისტემა შესაბამისად, მიდის მხოლოდ მწარმოებლის მიერ წარმოებული რეაქტივები. აღსანიშნავია, რომ რეაქტივების მარაგი ამოწურულია. აღნიშნულზე კი, ექსკლუზიური უფლებამოსილება, 2027 წლის 31

დეკემბრამდე, გააჩნია შპს „ჰუმან დიაგნოსტიკ ჯორჯიას“, რაც დასტურდება მომართვაში წარმოდგენილი 2022 წლის 19 დეკემბრის წერილით. შესაბამისად, წარმოადგენს ექსკლუზიურ მიმწოდებელს.

სააგენტო დამატებით აღნიშნავს, რომ საქონლის მიწოდებაზე ექსკლუზიური უფლებამოსილების მქონე ორგანიზაციის შერჩევის პროცედურების წარმართვა წარმოადგენს შემსყიდველი ორგანიზაციის პასუხისმგებლობას.

ამასთან, სააგენტო მოუწოდებს შემსყიდველ ორგანიზაციას, რომ მან სახელმწიფო შესყიდვები განახორციელოს „სახელმწიფო შესყიდვების შესახებ“ საქართველოს კანონის მოთხოვნათა განუხრელი დაცვით, რათა კონკურენტული და არადისკრიმინაციული გარემოს შექმნით უზრუნველყოფილ იქნას შესყიდვებისათვის განკუთვნილი ფულადი სახსრების რაციონალური და გამჭვირვალე ხარჯვა. დამატებით აღვნიშნავთ, რომ წარმოდგენილი ინფორმაციის სისწორეზე პასუხისმგებლობა ეკისრება შემსყიდველ ორგანიზაციას.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 17 აგვისტოს № 13 ბრძანებით დამტკიცებული „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის“ მე-7 მუხლის პირველი და მე-8 პუნქტებით და დაადგინა:

1. დაკმაყოფილდეს ა(ა)იპ „თბილისის ზოოლოგიური პარკის“ SMP230001605 მომართვა და შემსყიდველ ორგანიზაციას მიეცეს თანხმობა გამარტივებული შესყიდვის განხორციელებაზე.

2. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დ. აღმაშენებლის ხეივანი №64), კანონმდებლობით დადგენილი წესით.

თავმჯდომარე

ხელმოწერა/ 
შტამპდასმულია
ელემენტარულად

ლევან რაზმაძე